

四庫全書

集部

欽定四庫全書

筠軒集卷四

元 唐元 撰

七言古詩

桐江舟行翫月作

平生慣賞山中月胡床穩坐依林樾
小池雲影自去來山風吹衣冷到骨
閉門亦知江海大政坐信書生白髮
今年八月買扁舟卧看銀濤浮玉闕
光涵萬丈驚潛虬

寒逼千巖聽栖鶻天公賜我一段奇鼓枻中流從傲兀
百年知己喜在眼皓彩陸離殊未歇蓬瀛仙子今在無
亦欲乘風徑趨謁是行已拚幾大醉願挹北斗斟溟渤
倚篷假寐待微醒船人屢報晨星沒

見雪吟

兒時見雪喜欲顛刻畫素貌自矜巧皚皚庭樹窺百回
直疑天地不愛寶中年聞雪意凄然無衣無褐兒滿前
捋蔬盈掬闕甘旨束薪不辨晨炊煙白駒在谷鷹在韝

山中之人胡淹留長夜歌殘白石爛杜陵茅屋風颼颼
孟使君游黃山溫泉歌

吾聞古初未鑿混沌竅水火之精化玄武扶桑十日爍
天地鱗毛渴死走無所帝令二物居神池權衡七宿圖
書府人言坎裏陽泉翻豈識離中陰火煮祝融鼓氣玄
冥合一竇丹砂沸千古使君紫馬苔雪來三生石上精
神開懸崖絕棧不畏險杖扶石齒緣莓苔猿猱起舞虎
豹遁三竿瑞日升蓬萊臨流解帶一湔被清飈微動朱

波迴暖騰黍谷非律呂雷從地復常胚胎千崖滴翠管
迎送浮邱仙人揮酒盃謂侯骨相貴且壽姓字久矣標
丹臺寧從博局爛馬策懶共冠蓋爭衢埃千齡奇事一
朝取新詩磊落收瓊瑰尚憐拘官計日月重遊有約登
崔嵬

聞角辭

山月未墮窺牕明霜風掠戶簷鈴驚城頭吹角山月墮
此時淒切難為情荒涼天地角聲老朱顏未幾白髮生

角聲無情聽自苦多少征人念鄉土豈如年少聞角時
擁衾熟睡心不悲

次韻黃總管十一月望月蝕

天門虎豹猛莫當二十八宿森其旁妖蜚輪囷怒腹強
敢負膽氣吞蟾光山城霜冷夜未央高人起視懷感傷
月中老桂千丈長古人往矣遥相望吳剛斫桂月窟藏
曷不斧彼妖蜚亡天人受職鳴琳琅樞機萬象分低昂
誅篡投畀無何鄉專車骨粉令風揚月行九道邦家昌

天盲不復求醫王

題何生江天疊嶂圖

我生無封侯之骨相萬里成功勳又不能飛鷹走狗洒
血看繽紛白頭兀兀據書几昕昏童穉嗟為羣長廊盡
日絕人迹西曛煖熱氣如焚授書過午暘欲死冰盤雪
藕誰見分眼明忽閱何郎畫萬疊江山心為快爭先蕩
槳向中流無復求魚有餘暇摧頽兩翁似偶語偃僂癡
童攜一介驅驢下坂太凌兢尚憶邛邛行者戒因嗟吾

人受形役百歲膏煎棲大塊看君所畫亦勞生未辨脫
身塵土界不如學取巖前樹鐵幹銅柯烟雨挂日月成
丸弄豈休苔蘚為衣色不壞枯榮暗與世推移擁腫可
迷人睚眦莫言與語不點頭樹若點頭吾即拜願將此
意商西風祇恐傍觀猶未解

趙與春遠遊贈別

阿翁抱器鬚眉蒼見客布武聲琅琅注祠醉墨龍鳳翥
壯士讀之增慨慷至今蕭齋兩大字風雨不動生神光

月梁誤喜承翁面化劍上天留帝旁郎君翩然慰岑寂
袖攜滕句秋瑟瑟看君身軀如翁長岐經孔思填胃香
敬亭清嘯鳳臺去想見白雲思故鄉

近有同舍嘲余頭童齒豁者次孫阿彬生齒喜
而有作

阿彬生齒涎滿頤稍能學步緣堦墀老翁攤書讀且倦
時復提抱相遨嬉翁方齒落汝不知為汝而喜吾自悲
朝來舉櫛髮如絲頗被年少相輕欺願君朱顏常保守

莫見齒髮當衰時

奉題御史四忠詩卷

五華臺上漬膏脂諫疏明朝上玉墀
駢死難逃時宰譖兩賢甘作楚囚悲
朝廷公道初開日墓隧哀榮無已時
萬里生還承寵渥旌忠正在挈民彝

御史之官帝耳目直言不畏龍鱗觸
動搖山嶽亦雄哉紛紛佞臣總奴僕
華臺寶剎切雲高汗流滴土嗟民勞
寧使臣身伏斧鉞天王聖明容可逃
雷霆奮怒那回笑

爭相為死交相弔倉黃遠謫塞沙寒悵望虎關誰與叫
忠肝義膽有明時皇天后土照臨之欽聞溫詔為洗雪
九原可作銜恩私生還重拜聖天子霜臺柏冷除音美
四忠耿耿照乾坤留取聲名付青史

夜航行

偈仄偈仄秋夜航吳音雜還汗流漿桅樓劣容六七輩
炊髯熏耳炊烟黃裋衣失戒俄水入神驚膽落成倉皇
羊腸雖陜無此險尚有餘地停車箱彌明鼾睡那辨此

得跛男子應非常鷄號四野曙光合鄰舟稍稍希燈光
浪遊湖海別作計駕舟萬斛升扶桑

杜希聖經歷生辰

拾遺有孫真仙人手持六六峰頭雲靈湫喚雨洗八極
向來旱氣空如焚焦枯頃刻作潤澤書生甚訝非前聞
精誠所致貫金石笑爾詭論徒紛紜
精誠所致貫金石笑爾詭論徒紛紜
直與造物爭奇勳先生無言天欣欣永錫眉壽鮐背文

聞角有感

城頭角聲鳴鳴昔年十四五挑燈讀我書月照池東樹
月明未棲烏暮年聞角空齋裏猶喜讀書心不死烏啼
還是舊時聲霜毛羞殺臨池水牕月欲墮未墮時淒涼
心曲誰能知

蛩吟

蛩吟蛩吟促機杼念爾愁牽千萬緒如何也遣達官聞
月影郵亭自來去啾啾唧唧草根多幾家機杼空長梭
短襦不掩脛骨冷瘡土禾低飢柰何皇華使者行原隰

斟酌民情寬賦籍感時撫物一凄然豈比寒生操翰墨
蛩吟雖小入幽風曾識東山赤舄公直須制禮扶明主
明朝且聽隨車雨

次韻程仲潛惠詩

虛簷墜葉錚孤清穩著黃公山宇屏每憐俗物敗人意
老眼頗為看山青春風不度東城側閉門聊作灰中畫
神駒汗血始見之向來枉恨雲林隔金盤擎露九霄危
人間芻豢真無奇芙蓉為裳蕙為帶瓊瑤結珮天風吹

轉蓬正自嗟南北雲錦時時看墨色歲闌擬訪水心仙
攜手東阡與南陌

舟寓臨平書懷

臨平寺前烟水昏鐘聲隱隱搖山門篙師繫纜古松下
坐對月色波中翻年光盡付旅瑣瑣西風微動菰蒲根
居人燈火自喧雜稍憶學語吾家孫秋田已獲粳米白
浮蛆老甕山妻溫一錢不直客氊冷出門大類三家村
平生心友喜在眼襟期稍許中宵論誰憐老氣尚耿耿

跋鼉強逐南溟鯤

贈表姪李廷獻歸星源

石山寺前黃葉道我曾去訪江東翁清池對酒躍赤鯉
五十年來一夢中里巷蕭條礎石換孫枝挺挺今黃童
駢章雖未到老眼已覺逸氣追天風明珠白璧闕藏護
丈夫暫爾遭途窮君不見盤根仙李非凡種培植應看
香葉動願言得句如得官一笑人間朱紫重

白紵辭一首答鮑仲安

白紵亭渺何許白紵歌歌者苦君王微時擲百萬風流
尚覺傳千古生長佳人舊有山歲歲春風芳草路何人
纖指撚銀條寒機自語隨驚飈織成邊幅凝秋濤殷勤
熨帖鮫人綃君家贈我心亦勞剪裁稱體驅炎囂何以
報之雙瓊瑤

題貢友瞻巖巖圖

茂深十年金石交洒洒筆力專雄豪南湖漾渺入我屋
側耳似聽玄猿號青山千摺染空翠瀑練萬丈懸崖高

行者回頭坐者坐謂近非近遙非遙長松夭矯奮鬚鬣
誰家置屋新誅茅山橋野店迷徑入稍疑艇子呼招招
問君此圖為誰作南湖之濱人卓犖石為肝肺水為文
襟珮芳菲紉杜若泰山巖巖舊魯瞻楚尾吳頭並廬霍
君家文靖玉堂仙彭澤令君聯韉萼諸孫班班如虎豹
眉目秀異承家學蒼頭勿使捲圖去要洗炎鷲倚冰壑
寄金陵滕義夫用第六韻

金陵坊裏識滕君喬嶽具瞻千萬丈怡然桑梓有餘恭

顧我何殊魯三望賦詩尚骨不尚肉盤摺老蒼銷隊伍
黃昏屢過南軒廬經行九里清溪上賀家酒好隔屋香
對酌懽呼忘老壯子衿學校廢已久正賴斯文扶堡障
新晴老悖欲何之泮藻池頭遠相訪寒威可柰粟肌膚
雪髮無情垂領項書冊如山許亂抽竝頭比鯽生徒旺
齋厨留我共杯羹似憐久客淒涼狀方來太室歌邪許
鴉墨宜徵將作匠姓名已在丞相府抱案曹郎非久曠
何年種石必成玉天將玄雲為雨釀為吾多謝林董君

扣戶曾驚青竹杖

十一月二十九日先君子忌日

朔風吹度簾旌長博山爐焚楓木香渚芹可擷亦可湘
奠以桂酒仍椒漿山空歲晚霜露慘魂來白日雲中藏
萱花不待顏色老大椿至竟成淒涼菜衣縱在為誰舞
何況孤鴈摧炎方高吟手澤付煨燼粗有遺墨堪尋行
報親無路學詞藻竊從碑刻書潛光兒生作詩五千首
情鍾諱日含悲傷舊山種梅身轉大窺花弔影何能忘

林鳥趁曙叫不已放聲慟哭迴穹蒼

汪子翼遊黃山以詩示教作七言以謝之

黃山高哉四千仞白日照耀金芙蓉軒皇御風覽八極
問道來訪浮邱翁鈞天樂奏鸞鳳舞從臣結軫隨飛龍
當時欬唾落幽閒至今草木生香風神丹一粒走澗谷
化為百沸朱砂紅遊人下浴代湯熨一嚙再嚙顏還童
靈苗採劖換金帛異鳥啁哳聞笙鏞飛泉布石挂足練
翠蓋倚空翹萬松霞裳遙自剪刀出仙果直與桃源通

素書欲讀字漫滅石髓可掬芝成叢初平羊頑叱不起
令威鶴老衣蒙戎鉢盂下覆送天粒玉山禾發常年豐
華岳先生來假寐蔡家兄弟書重封汪君妙年骨骼聳
拖筇棧道凌虛空詩魂上据獅子背石人大笑欣相逢
昔年鄉老橫鐵笛約客夜宿天都峯爛銀盤出涼似水
仰摩箕尾為前鋒百年奇觀豈易致力挽溟海瀕塵霄
嗟予衰謝付坐想惟將圖障懸庭中氣為車馬任超忽
眼明鷺鷥歷始終君謠未已歌繼作寄聲以謝無是翁

請王復初公禱雨于郡齋

寰間老人星天上蒼水使翩然下新安兩袂挾雲氣四
郊如赭良苗空符師誕謾嗟無功先生霹靂潛膚胸并
州快剪摧妖虹靈湫投檄驅老龍傾江倒海須臾中函
闕紫氣香溟濛揮手起救吾民窮明當奏最陽平宮千
二百歲住崆峒相從倘學鷄窠翁

苦雨狂歌

寧可崇朝艱粒食寧可暮夜無安席老翁不願聞春霖

朝朝暮暮鳴不息寧可南征負戈矛寧可募戰黑山頭
老翁不願聞淫霖朝朝暮暮鳴不休浣花翁家床床漏
頽垣通豕犬穿竇麥田草青三尺長閒殺耕夫手通袖
山桃野杏鬪時粧為爾空霑泥土香佳禽喋語蝶褪粉
蝸牛蚯蚓升高堂老夫經年剛制酒無術澆愁傾一斗
閉車新婦皺眉尖汗墨流巾衣露肘憑陵大叫訴蒼穹
下土蟣蝨誠難通安得赤龍萬丈捧朝日四海九州光
赫赫四海九州光赫赫蒼茫萬象生顏色

聞雨歌以官為市者良可嘆也

春來日日愁多雨夜聞怪禽聲嘯鬼去年城市再焚巢
兒廢錐刀女機杼金淘沙盡賤如泥壓殘官馬不能嘶
客來勿嗔身障簾幾家聞雨妻兒哭

彈琴峽

朔風吹野日沈沈何年天造無絃琴黃牛三峽所未見
奔崩沙漠聞斯今光浮潯蒼自太古下視幽窈餘千尋
秦風猛鷺寫遺韻南國下俚嗟荒淫至音淡薄似玄酒

疾響暗黑迴空林
儒林丈人騎駿馬
清風為佩雲為襟
黃金莫為子期鑄
後世豈少能知音
政須露坐審宮徵
遲迴魏闕朝王心
鷄鳴度關有誰子
倉黃四顧經危岑

丁繼道索茶于天寧方丈次韻

平生愛殺趙州茶
老禪茁髭如茁芽
紅蓮幕下斲輪手
僧牕醉卧忘公家
醍醐養性近亦厭
雲腴泛椀相矜誇
瀑流井收各有味
三丫路頭行勿差
撚松戒傍菩提樹
汲水借潤優曇花
心安不用拽牛鼻
吟豪直欲拔鯨牙

樓船將軍下橫浦陋邦震攝逃呂嘉

分題得歲寒亭

歲寒亭歲寒亭乃在白雲古縣之間廳蒼松鐵面奮鬚
鬣老柏羅絡青冥冥屋頭好山作屏障階下琴筑泉泠
泠黃門何年此傾蓋三十六詩新發硯如何昔賢所坐
嘯離筵瞻此郎官星潭潭丞相府胷中分渭涇天網既
下罩藥籠收蓼苓援毫贊機務抗志惜娉婷會前賈生
席無愧草堂靈

得銅井潭送克用公成績溪

大鄣山揚之水灘三百從茲始銅井恭神龍鱗張角而
犄驅雨帶餘腥草木常披靡潭幽窺愈深石剡平如机
潭以寫吾心石以礪吾齒百煉之剛固奇節上出為功
汲寒冽詩書謀帥朱侯來馬試新鞍黑如鐵山君川后
亦起舞五月平林尚啼鵲胷中兵甲貴不用獷俗懷柔
任車鑣詩成石鏡擲金聲楮產龍須連玉潔

次韻陳子貞

公家肉山肥似瓠餉我清談烹日注巷北巷南寧幾家
不用拏舟渡旁渡吳王臺上歌舞新回首斜陽荊棘路
羈懷况值秋蕭索意行且止悲歌屢兒曹頗嘗見此客
世事悠悠首難聚清陂百頃魚作租擬向漁郎商去住
舊山茅屋撼風雨夢回不省棲身處神交千載落空言
心知正用頻來顧我家父子一青燈君家兄弟雙珠樹
登山臨水定何時更約門生侍巾屨

聞角歌

城頭角聲轉悲霜淒淒誰解吹霜天解吹惟健兒健兒
健兒十年戍遼西閨中少婦輕別離裁衣未寄寒刺骨
嗚嗚咽咽空相思南征北伐昇平了刁斗聲沈太白曉
當官不用猛虎將歸來妻子常自保健兒吹角不知悲
汝身不是遼西時如今却付荒齋客還家有夢萬山隔
城烏眇眇月窺牕一掬酸心禁不得癡童鼾睡爾何知
明日霜髯增百尺

敘南蒲學正制登歌雅樂留吳作詩贈別

蒲君軒然虎豹姿傲兀官舫來吳會路經越雋萬餘里
自春徂秋暑將退命銜宣府敢辭勞廟成作樂當昭代
仲尼日月行中天聲教旁敷大無外金鏞石磬在堂下
登歌進盥環衿佩朱絃疏越鳳凰鳴虞栒鱗而加粉繪
儒臺史君惠裏言徽垣好事多才賢鳩工稽度罄其巧
往往補乏捐金錢聞韶可但向齊國名與季子相周旋
黃鍾不待諧賈鐸語以絲莖知媿妍虎皮包裹索馳載
尚煩愛護令完全歸來上官念遠役庖人催喚開華筵

坐令祀典配內郡遠臣夙夜思承宣功成紀實上奏牘
星馳願到明堂前龍顏咫尺有餘喜率土共樂堯仁天

踏車行

青天無雲蒸赫日大車嘈嘈小車急誰家小姑比嫂長
牽手登車齊借力可憐力盡汗流漿揮手不見蛾眉長
却愁新秧未入土哭殺林鳩天不雨安得浩蕩銀河翻
山後山前涼葉舉海塘罷築民把鋤萬歲千秋荷明主

後踏車行

吳天不雨日光赭桔槔遞響徧原野祇消三日雨滂沱
水雲萬頃搖新禾君不見前年苦雨圩塍破敗屋斜穿
小舟過至今怕聽雨聲長點點滴滴割人腸街頭二千
得斗米紅粧洗米官河水不愁圩破雨翻多柰此白粲
珠璣何

題松壑御史鶴慶亭

君不聞胎仙來自蓬萊宮玄裳縞袂丹頂紅禾非芝田
不肯啄雙雙弄影瑤池中巢居松頂出至性綢繆牖戶

仍玲瓏如何東道乘驄客百金遠致棲樊籠頸長閣軀
費呼喚庭除步武旋西東九臯送響透寥泬孔牆密邇
驚盲聾離離似是鸞鳳侶疊疊相應雌雄同應嫌乘處
志專一闕睢復見周南風生子墮地光照夜愛之謂是
靈禽宗經時啁噉出黃口弱羽帶濕垂氄氄金九火七
孕神質千六百歲乘虛空青溪道士僅一隻清獻公家
不多得雪堂夢裏聞戛然絕妙文章傳赤壁不如公家
二生四兮四又八數衍義經宗太極龜魚下蔭小亭新

竹樹成陰長晝寂茶烟輕裊對文楸皓首寓公分半席
請公下筆自作鶴慶圖醉墨淋漓雲霧濕

次韻烏程謠寄于尹

鄧攸居官惟飲水晨炊不泚吳中米武陵長史歸裝輕
沙提取石壓船底于公宦海經幾年有眼不識床頭錢
寒機弄月耕徧野政成老子風牕眠今代昌黎持繡斧
華篇枉贈能知賢

任昉當年清似水歸舟僅載桃花米烏程長官廉且仁

況肯吹毛翻檢底秋風穠極歌有年訟庭荒蘚生紫錢
兒童三尺知雉性老翁八十看牛眠向非清臺揭明鑑
妍媸孰辨區中賢

上塘行

吳人不愛馬官河抵平陸婦女小兒齊駕船牽路雨收
泥沒足君不見上塘篙師更苦辛高桅挂足兩肩赧波
濤急瀉石齒齒力與涎蛟較生死我願舍舟取長途南
山風動嘯於菟人生行路難如此兩鬢易禿紅顏枯歸

來山中誰與娛良朋過我酒滿壺老妻紉綻弄孫雛但
為鵲原引恨增驚呼

鴈何來

鴈何來天之涯朔風吹汝急念汝寒無家南翔慎飲啄
幸不離置置羈棲萬里影慘澹含烟沙鴈兮鴈兮歸有
時有弟有弟今何之炎州十月雷虺虺朱鳥吐焰熏髣
眉遙夜夢見君翕忽隨颺馳人言生別心欲折死別痛
極那得知

青山對白髮歌

青山對白髮白髮對青山有時問山山不語但見草木
春風寒登高望白雲雲泊松樹間引手攀雲入襟袖雲
去浩浩何能還丈夫有筆無塵滓不作征西露布獻天
子文如古劍夜生光誰令子作真符禪國史朝研朱墨
誦琅琅夜剔青燈應媿死我願學樵童丁丁弄斧深山
中又願持釣竿嚴陵灘上收魚筒溪神未必愚辱汝柳
州柳是囚山翁

十四夜大風始寒

往年吳會厭風餐老屋搖搖連地動遊麋臺下少逢人
衆鳥枝頭無宿夢庾臺千艘出海口檣折帆傾鷺匆匆
飢蛟鋸齒食人肉愁絕京都望輸貢青山四遠閉車帷
勢急何自掀茅茨我欲上天訴風伯虎豹守關安致辭
王師南行甚勞苦迴旃捲旆當何時征衣未寄寒刺骨
上霧下潦熏蒸之遙遙閨婦隔萬里可憐中夜啼痕垂
短衣掩骭歌石爛硯田荒落吾奚悲腐儒所思在遠道

鄰鷄三叫增淒其

苦雨行

龍公吸海填銀河散作千林夜蕭瑟曦輪反御入太陰
若木扶桑少顏色苔生客位紫斑斑蚯蚓上堂蝸繞壁
香盤曲篆屢供炳幘墨流頤驚溢出黃雲爛熟混泥沙
田父涕滂憂水厄先生不出掩柴扉吟作飢鳶空太息
願從馬上奪天瓢擲付祝融燔朽質三竿瑞日麗中天
四海歸心仰宸極

晨盥衣間墮一髭白甚戲為短歌

愚生四十髭始變把鏡嗔人為吾摘蹉跎偃蹇二十秋
霜雪滿頤何啻百衰顏想似葉禁寒粗喜眼明對方冊
書成豈救妻子饑奈此秋風塵四壁舊遊澤國畏波濤
歲晚歸來風雪厄林棲勉作遂初賦燕坐可觀虛室白
有時懷土夢魂驚起据藜床猶作客昨夜燈花綴玉蟲
艷艷語人光照席淮南猶有未歸兒安得行人報消息
終焉我髮不再玄勿羨天涯春草色

和程仲山失鷄行

君不見少陵杜老苦為鷄蟲分得失又不見東坡居士
亦為二蟲辨隨逆不如且讀仲山甫失鷄行鷄飛上樹
從人得啁啁粥粥爾何為鼎釜新封湯沐邑宋牼幸免
聒兩耳風雨膠膠長邪慝漫誇助叫海翻波孟嘗君家
唯此客我聞失鷄付等閒天山鳳食青琅玕千年覽德
始一下世人莫作翰音看

君不見魏世熒惑亡在匏瓜中昆明池上煽融風又不

見黃帝玄珠遺赤水象罔得之心獨喜蕭何暫去漢皇
驚四皓入山寧餓死天人至寶衆所重豈比紛紛鷄犬
似誰教鵝鴨惱比隣為嫌口吻令人嗔鑽籬菜僅俗僧
飽詛盟待汝搖其唇寧從紀消養木雞三句不鬪全天
真吁哉少驚世之人

文會堂前以磁罌貯牡丹一枝著雨離披古松
賦詩簡呂廣文元輒次韻以廣其意

牡丹紅者呼狀元黃紫類有佳名存東園壽安大如斗

花時擾亂蜂蝶魂輕攀要是纖玉指滿插雅稱玻璃盆
主人何處得甌甌上具口耳中昆侖嫣然一朵若有訴
名色以聘元非奔雕欄遐憶風日麗平地下接沙塵昏
暗投明月誤魚目得時蕭艾欺蘭蓀願從汲引上几格
賜之前被令蒙恩翠屏掩映嫵媚態玉井噴咲醺酣痕
忍言零落拾殘馥酥煎故待供盤飧憶昔洛下潛溪緋
買種動以千金論歐公出口譏天巧至今傳誦數百年
豈非大巧淳朴散主人養拙之為尊天香國艷雖醞藉

自開自落隨乾坤城北詩家陳孟公愛松愛花心一源
瓦瓶深貯見吟咏珠璣何啻百斛繁偶逢想亦被花惱
何不弄筆伸花冤銀罌

闕

金

闕

有物情醜好隨手翻

東園百本方爛熳少頃佳客開芳樽蒼顏正愛花壓帽
投鐏未用慚諸孫枝梧詩律謝沈宋真持布鼓過雷門

小疾戒飲戲作長歌

人言天上有酒星又言地下有酒泉杜康儀狄酒之精
至今垂名千萬年酒星不照新安郡筠軒先生據寒氈

蕭齋非無酒盈榼奈何衰疾來相纏既不學灌夫罵坐
忤丞相又不學方朔殿上遺小便家有宿釀五百斛不
如買田二頃扶烏犍誰憐脅腐客不悟爾謂得趣吾豈
然子雲寂寂待好事彭澤歸來無一錢從今賓至但茗
飲白雲枕裏銷晝眠速營糟邱亦過計笑我自號茶中
仙不然飽餐脫粟飯縱逢麴車豈流涎問翁空洞果何
有惟有風月三千篇

國寶程公幼子叔固年十四機警可愛賦長句

以勉之學

大鵬初生羽未乾抗志藐在青雲端虎纔墮地文隱霧
氣已食牛威百步何況羽成文炳時九萬直上須臾期
風低草木百獸避不數尋常么兔狸人間小兒千百輩
羅衣楚楚同隊嬉喚爺但覓梨與栗幾何把筆塗鴉兒
公家幼子十二三發硯快劍冰為鐔眉眼分明畫中得
髭髥漆黑垂毵毵試令吟詩拂蠅紙瑟瑟食葉聞吳蠶
荒齋邂逅阿戎語白皙那知逢阿咸鄴侯家書高似屋

字比錢大光煜煜五行並下抹紫電意迎理解如破竹
青燈拚作十年讀掇取巍科收世祿一枝祖笏篋中香
留眼崑岡看片玉

田家苦

嘉禾洒洒溝塍間有如少壯矜容顏黃金散漫堆場圃
幾年無此逢秋雨東家打稻西家聞細聽聲中含太古
問君如何是古聲七月豳風始西土人言田家樂我言
田家苦春耕泥沒膝呼牛耳濕濕禾長費周防露草憑

茵席藜藿不充腸憔悴見顏色林寒向夕烟火微主家
扣戶徵租急舊逋未了新逋積倒甕傾罄無一粒田父
拊膺向天啼瑟瑟秋風吹四壁

明月璫一首戲贈安處善令郎之婺源結姻于
鮮于必仁之門

鮮于君有鸞鳳女安處善生麒麟兒雨小無嫌好姻對
瓊林皎皎春風枝刺繡床前性聰慧讀書窓下聲吾伊
塞脩寬作十年計宛轉為傳青鳥意羨君買紅纏酒缸

何以贈之明月璫

以虎圖贈如軒楊簿歸臨江

楊侯手持西江雲散作分陽溪上雨千家小邑戶不閉
食葉吳蠶如欲語語公解織雲錦裳明當補袞春風香
問之胡為捨我去店頭柳色搖離觴

有虎有虎南山巔咆哮百獸不敢前尾掉雲旂眼出火
盤礴畫史由心傳似聞騶虞異天性村村牛羊自歸徑
唐朱姬名嘯風聲況是關西縣祖印

朱虎
召虎

松溪道人歌


巖前偃蓋松百尺下有清溪千古碧無朝無暮撼風雨
淺深見底光相射此松太極為根抵老幹中心藏鐵石
冥冥濛濛香霧生壘對冰霜天與力為苓為珀通神明
塞谷漫山鄙楠液明堂太室侔獻圖回首萬牛俱辟易
溪流上接銀河津地占淮壩分澤國纖蝦寸鱗不敢動
但許蛟龍為窟宅樵風半棹日色暮壁月中天幽鬼泣
清溪道士太離羣竹溪六逸疑爭席不如松溪溪上人

自主自賓無媿色黃庭總是悟真篇冉冉飛騰豈無術
天上神仙厭驅使且向寰中守虛白松脂一九飽即休
噉以清冷毛髮立今年鼓棹過分陽紫氣度關人罕識
竹皮為冠風吹女追隨步武庚桑役但恐故山松有語
莫遣溪聲罷瑤瑟歸來朗誦采芝歌信宿雲端度雙舄

八月八日過嘉興捕蝗行

東村柝喧天西村叫傾市捕蝗官雖來無救我禾黍圩
田已破今無秋舊淚未乾新淚流富家有米量玉子菰

蒲昨夜風颭颭民窮乃至此萬一寬征求君不見往年
北殍來南州纍纍老稚令人愁



筠軒集卷四

欽定四庫全書

集部

筠軒集卷五

詳校官庶吉士臣陳若霖

中書臣劉源溥覆勘

總校官進士臣楊懋珩

校對官助教臣胡子襄

謄錄舉人臣鍾廷璩

欽定四庫全書

筠軒集卷五

元唐元撰

五言律詩

由嚴陵入杭舟行雜書

碎日搖江面危檣簇岸隈
鷗離隨浪去蟻子上蓬來自
得浮溟興慙非作賦才
海門知己近潮信一時回

又

晚泊富陽縣高吟倚柁樓乾坤雙眼碧江海一身浮鳥
度煙橫外帆來天盡頭忽聞隣舫笛旅思不勝秋

又

雨轉浙東去潮來海口長蛟龍移窟宅賈客亂帆檣險
極終須易閒多未省忙勞生迺如此千古幾殘陽

重陽前四日餘杭道中

村酒難為醉羈懷易得愁雨毛偏著面風葉蚤辭秋夢
遶陶公徑寒催李子裘還家慰兒女猶及菊樽浮

汧川道中

竹輿從俯仰山翠自橫陳客路偏逢雨溪花尚占春衝
泥憐僕子訪舊介樵人出塢風煙豁初看萬瓦鱗

午日江賓暘留飲

小閣香蒲酒青燈細雨詩交情淡中見節意旅邊知近
水蛙鳴亂空山鳥去遲祇應歸思動後夜費相思

曉坐

露重危秋葉雲輕暮曉池流年供世故白髮誤心期食

指多為累生涯政作癡固應忘寵辱亦復斷憂疑

又

細憶為兒日攤書愛滿床風雲終契闊霜露久淒涼魏
瓠徒吟大南箕不簾揚搜拈聊自逸應俗苦相妨

曉卧

吟癖兼書癖閒居歲月深清心知旦氣病骨覺春陰負
米寧干祿披裘不願金曉牕無箇事卧聽一枝禽

次兒耆藤坑省族因憶舊遊

避亂垂髫日千山導板輿開門當樹色隔澗認隣居未
省談宗譜何能讀父書苟全吾所獨同里甚欷歔

又

避亂垂髫日慈親雪半簪釣魚臨澗水打栗上荒林風
木悲清夜寒燈誤苦心吾兒訪耆舊遺迹好重尋

偶作貽問疾親友

貌改初心在胡為病使然衣寬連垢膩食忌徧腥羶小
甕醅初熟高齋榻未縣肯來同靜夜雨後聽山泉

八月十六夜山園小酌月色如畫返念去年今
夕與鄉友對月吳山蘭若即故喬相讀書地也
賦五言律四首聊述雅懷

萬籟沈清夜千門遠舊河雲移吳樹遠月照海門多
孩哭仍紅樹蟲吟盡綠莎憑高懷古地慷慨欲悲歌

又

秋風吹澤國清夜此凭欄樹影隨江斷盃光接海寒
鄉音知聽異旅席覺愁寬好待潮頭起晴空看雪瀾

又

市遠塵囂隔山寒
磬欬清四人月下影
獨鶴風中聲
僧嬾佛燈暗
鼠跳僮睡驚
異鄉逢勝集
意氣此時傾

又

今夜山中月清光
照酒盃髮明空得雪
心在冷如灰
縱死能忘學
逢時愧不才
飜思行役倦
招隱意悠哉

送鄭國用譯史歸嚴陵

四聲同自出吏牘
必兼書法不傳蒼頡
官曾領象胥霜

楓歸興裏冰蘂宦情餘莫怪淹留久亭途奮迅初

九日與徐繼元張定甫長兒徐卿登水西蘭若
身在千峰頂平城一望賒白雲迷鳥道黃葉滿僧家節
意看萸紫年光感鬢華重遊應有約迎眼亂秋花

三月一日偕族姪兒輩拜高眉尖祖墓有作

路入青松徑微風拂鬢華孫雛欣得筍老子愧簪花確
響知村近牛歸覺日斜相邀宗子舍有意泛流霞

又

尋芳何恨晚聚族喜相招
隔塢猶聞笑深林忽見樵
松楸闕遠念山木寄長謠
笙鶴來何處因風得細飄

汪村道中

林黑初過雨山橫半截雲
犬牙雙嶂立鴈爪一川分
灰舍依寒樹茅茨映夕曛
筆耕終不補端愧夏畦耘

五月五夜大雨明日水驟入邑

雨兼河漢下舟可市廛間
湍急疑搖屋雲昏盡冪山
愁銷涼葉舉望極暝鴉還
今夜思鄉夢懸知遠度關

宿黃岡留題

投宿尋林舍泥深一徑橫熏衣燎松火餉客煮藜羹急
雨蛙時歇山寒牛夜鳴明朝又行役擁被聽雞聲

吳門寄弟清之

百粵炎蒸甚三吳澤國深新秋鴻鴈影投老弟兄心對
酒山侵座談經竹滿林他年歸里社此樂尚堪尋

鹽官觀海

怒潮初退後衰草嫩寒時浩蕩浮元氣微茫入島夷帆

歸分夕照醺運殷秋輦自是羈棲者何妨步履遲

又

海風吹禿鬢江樹映深盃潮落烏犍卧天清白鳥迴貢
輸通萬國象緯印三台極目真無際方隅亦壯哉

再用何字韻少寫歸田之味

藜床嘗穴坐無寐五更過吟敵秋蟲苦書成柿葉多雨
窓原憲飯樵徑買臣歌剔蠹無休日餘生僅幾何

歲晏書懷

年光逐飛鳥暝色集栖鳥老大常為客蹉跎負壯圖交
朋半零落往事幾驚呼湖海收殘夢依然一地爐

又

巧宦徒欺世多金亦減年不貪元是寶熟睡即真仙已
憊巾常墊旁嘲履下穿酒思前日量詩許後人傳

又

老不趨時好栖遲竹下齋生涯逢宋鷁談笑類齊諧靖
節生前祭劉伶醉後埋冤親都悟徹平步到無懷

又

內弟黃彭叟頭風近稍蘇過門每相覓情話可能無搗
藥山疑動抄方筆尚濡椒花催獻壽想不要人扶

又

目送橫塘路時聞竹下風追隨千日醉勃窣兩山翁志
合疑無間言清亦屢同可能羣貉子正自羨冥鴻

又

君章早年友好在魯靈光足弱憐經歲扶行始下床佳

兒能哭竹舊妾久辭房老淚沾巾罷餘生自笑忙

又

已遂懸車志鐘鳴行未休旅遊毛褐綻家近臘醅芻臂
痛頻纏續天寒莫倚樓老妻應念我燈火夜窓幽

又

天寒爾行役建業又宣城一月無安問長宵幾黯情馬
周頻對酒梅福舊逃名緩轡青雲路春羹試笋萌

又

負笈懷明復斷機期樂羊嬌兒知問訊慈父念遊方簞
竹猶防盜圩田乏裹糧鵲聲頻報喜歲晏定還鄉

近第五男桂芳自金陵歸喜而有作

又向茅山去三年望汝歸流光催舊歷急雪舞征衣北
鴈嗔來晚南翁喜莫違家人多釀酒指日扣柴扉

又

晚歲違離日他鄉去住心讀翁詩滿壁念母雪盈簪反
哺烏飛遠傳書雁影沈一欣消百恨節近不孤斟

又

進食哀韓信斷機聞樂羊男兒須立志弟子頗成行
白塔尋鍾阜清池過景陽山僧應說我醉墨洒長廊

歲晏留別槐里諸公

三度金陵客幾年槐里賓支床龜自活祭食鳥相親
帳冷梅花月盃踈竹葉春主人分席暖夜話見情真

又

老增兒女戀每見一歡然寄食應懷愧貪書不愛眠
醉

拋千日後健比十年前一事天慳吝囊無使鬼錢

又

旱極陂塘竭城穴瓦礫場天心垂告誡人事覺淒涼廩
積渾收秕園蔬半蝕黃依稀殘雪徑晚步不須忙

又

畏冷常關戶乘閒漫炷香問年遺一老困學愧三長稚
子方歸里諸生近擅場

子桂芳歸自金陵
周生近中科目

喜多成折屐

不是酒邊狂

九日攜長男登譙樓

火後青山近風前烏帽斜
清溪迴晚棹古木認吾家
斷飲萸空紫禁寒菊未花
憑虛雲滿袖一一數歸鴉

又

節令欺人老親朋鳥散餘
獨攜靈壽杖誤讀褚公書
木落秋容出沙寒雁影初
扶行有兒子白髮喜相如

次韻朱克用自南征歸饋魚不受

閩海收羣盜歸逢雪剪瓊
健如窺草鶻飲似吸川鯨
賜

杖翻成愧嘗羹乃見榮懸魚吾豈敢羊續太無情

又

君家好兒子目漆貌如瓊霞舉占祥鳳潮生掣巨鯨弓
刀騰逸志禮樂紹前榮我亦吟曾雅因知舐犢情

又

貌醜如梨凍相逢葭倚瓊餘生成退鷁故友嘆騎鯨蘼
熟寧無味松孤晚自榮賣文資鶴料豈謂絕人情

次韻程以文黃山星橋末章屬仲安

今日題橋者燕山耐朔風寄書逢驛使問路介樵翁村
酒添泉白林曛晒屋紅浮邱不可見笙鶴度崆峒

又

悠悠俯雲影浩浩吹天風解珮此溪女負苓何處翁焙
出茶芽紫叉來魚眼紅山家慣延客何必羨崆峒

又

一入桃源路茅茨異土風山前采桑女山下祝雞翁池
沸丹砂紫杯香豆粥紅蔡家兄弟老書寄自崆峒

又

屢讀虞卿記高懷激懦風歸疆榮魯史興學慕文翁種
秫樽常綠看花頰尚紅藏書侔秘府知道鄙崆峒

又

聞道麻源谷遺民尚古風路逢傾蓋客人訝被裘翁柱
石中流白汀花隔岸紅名山三十六何處認崆峒

題江伯玉雪舟

皓雪滿天地衝寒在此行檣枝搖太重蓬筍聽還輕黃

葦投爐濕遙山隔岸迎玄真有幽致妙歲不求名

又

泛宅清溪上香醪不外求滿蓬堆載玉萬石似停鷗急
洒侵鄰舫斜飛上柁樓斯人輕世味有志慕羊裘

又

刺船敦風好非醉亦非狂影亂錦袍客寒侵黃帽郎魚
來吞柳絮鷺下立銀床畫手兼詩筆風流屬二唐

又

此士非漁父無人拜浪婆船頭輸玉帛水面覆銀河細
認玲瓏樹遙聞欸乃歌婦翁同把釣醉後舞僂僂

郡監識公涖任三年僕未嘗造其廬歲晚滿秩
以詩謁之手執拙句不離手第五兒桂芳多承
品裁

報國丹心在終更覺白頭名登循吏傳官是富民侯野
寺朝朝雨甘棠樹樹秋三年雖報政尚冀冠公留

次韻黃竹隱兼簡張允元

桃是玄都觀人居海上山升堂兩童侍坐石一生閒要
眇遊仙詠幾微夢覺闕兼參仍細悟應見古風還

三月望經張明善墓下作

尋春何恨晚却值雨紛紛鳥度雲將暝牛歸徑自分愁
生墳上草醉掃壁間文丁令猶來往山前獨鶴聞

又

農務因時動山容過雨鮮澗清宜犢飲桑綠未蠶眠客
醉依山閣樵喧上瀨船行防泥匝磴路轉得平田

三月初二日連雨有作并簡丁繼道照磨

桂薪憂竈婢蘆絮擁鶯吟勢急疑天漏愁生抵海深
巷窮無過客杯覆乏孤斟一事知翁喜閩南遞好音

又

聞道青溪宅濤生地欲浮溟濛憂立鶴浩蕩快輕鷗
牕暗難臨字天寒怯倚樓何時乾后土老子欲春遊

克用公過余約詩會再用韻

詩法如何在篇章忌躁浮雪牕麾野馬雲岸立沙鷗重

挽千鈞弩雄夸百尺樓
相期拾瑤草李杜是真遊

又

洛下書生詠山頭
飯顆吟成章金愈煉
汲古綆宜深布穀催農種
提壺勸客斟連床不相覓
微物有知音

九日陳梅溪諸詩友環碧亭分韻峯字澗字

清遊酬節意古洞剖雲封
菊冷含青蕊池深印碧峰
探幽窮狹徑望遠倚長松
預想還家路山重隱暮鐘

又

驅車驚前征入谷鳥頻喚如何轉崖腰蹄泉注窪澗黃
花戒亂摘使我盃泛泛移樽坐平蕪洒屋斜暉爛

古劍

寶匣深藏閔神光射斗牛潛驚妖鬼膽曾斬佞臣頭水
火虛磨淬雄雌遂怨仇直饒銷蝕盡尚可作鋤耰

又

吹呖鋒難觸磨鐔彩尚存斬蛟新遺血躍冶舊遊魂獄
市金精化將軍玉具恩時平無所用念爾拂塵昏

郭外訪梅

石磴從橫路春風冷淡枝問樵疑不答見月轉相思野
店泉添酒山家雪擁籬玉人愁耿立未許凍蜂知

遼東告飢民有易子而食者朝廷惻念發粟十
萬海運濟之二月二十五日風大作感而有賦
吳城風折樹海運最愁人坐湧三山浪全輸二百圍廟
堂憂盱食川后縮威神盡拯遼東命乾坤本至仁

又

風伯方馮怒重陰暴古城高空無鳥過平陸少人行海道懸危命遼氓解急烹願言天與力蛟鰐自波平

吳庠九日小集青山學正謙父教諭莊子正酒
散有懷

草草酬時序瀟瀟怯鬢華盍浮那待菊客散倍思家霜
柳池光靜風廊帽影斜無山供望眼獨立數歸鴉

至日書懷寄廣州清之弟

節近心彌愴年侵病易攻思親猶洒淚搔髮久成翁旅

思炎涼外人情拜跪中中孚觀卦始吾道可能窮

又

令弟炎州隔書來慰陸沈寸心懸萬里九藥抵千金遠
鵲翔雲表鳴鵲集泮林思歸仍歲晚夢遶練江浔

送孟宗鎮主簿會稽

婉孌閭雒詠聰明戚里孫蓬萊空淺水燈火自清門簿
領頭將白儒冠道更尊東行探禹穴詞氣藹孤騫

又

佐邑方嚴駕承家早象賢衣冠逸少曾富貴買臣年手
把勾稽筆春回坐客羶應思桐瀨水照影只依然

送青山李公學正歸姑孰

儒官三十載壽相七旬人慣鼓談經舌休嗟墮甑塵庸
流憎直氣吾道恁長貧陶令歸來晚松花點葛巾

又

出山元自早歸老未妨遲模楷須前輩勲庸付令兒客
羶空得暖僧壁牘留詩絕倒期他日青山酒一卮

姑蘇歸舟行雜詠

吳郡三春夢，徽山半月程。
年隨衰鬢白，心與暮江清。
衣敝偏饒虱，吟豪欲拔鯨。
子陵臺下過，慚愧一蓬輕。

又

祇道還家樂，翻成逆旅驚。
卜程防戍卒，亂眼畏潮生。
憶弟淚含雨，懷人心劇旌。
依稀記殘夢，漁唱起三更。

又

篙工相爾汝，客路識艱難。
夜氣侵燈短，灘聲逼枕寒。
衣

冠從野製螺蚌入朝槃汴瀨經三百惟應引恨端

又

吾郡揚之水濫觴為淞江灘崩饒雪浪石狼撼船牕瀧
吏詩難繼呂梁心半降鹽商過晚鼓賴爾酒盈缸

又

水暴魚無市泥生燕有家朝羹供苦茹鄰舫餉新茶雲
破懸屋屋波搖側澗花羈愁聊自釋柰此鬢邊華

又

犬牙微睦郡風俗舊知醇桑樹高於屋樵蘇每見人荆
釵慚越女源谷尚秦民漸喜鄉音似聽來殊未真

又

山色無中有灘聲抑更揚村童來賣蕨溪女自梯桑野
曠牛眠草風暄蝶度檣豪吟撼鄰舫老蚌弄珠光

日溪交代徐君璧未至

平生徐孺子下榻久相迎坐見三秋老能消幾日程雨
窓聲未了河水綠初生白鷺冲烟去新詩此處成

又

畫船虹貫月茶竈火生風解纜星橋北瞻雲震澤東寒
楓搖隔岸鮮鯽出連筒日日占烏鵲燈花幾誤紅

次亡弟清之壁間韻

鴻鴈吹行斷蒼顏恨莫同官身炎海外旅櫬夕陽中已
謂詩瓢失誰將酒榼空摧頽遲暮意松柏度悲風

十六夜過長安堰

下堰舟如箭行橋馬似龍已無燈照寐猶有月流空茵

蠡耽吟頸迂疎學古曾殘年少風雪正爾慰途窮

觀書

老不於人競耽書尚作癡掇皮非肯綮捕影祇支離頭
癢占陰潤燈殘迫睡期趨庭無少日立雪想移時

輓吳南峰二首兼憶雪窓眷丈清之亡弟

論交常恨晚語別輒思君醞藉胸中史吁嗟地下文夢
寒霜樹葉吟斷石潭雲解橐披遺墨銅彝旋炷熏

又

南翁隣雪叟棣萼早聯輝忽作青山去真同白首歸野
猿催淚落沙鳥傍人稀憶弟渾悽斷憑軒對夕霏

野望

葉脫通林影溪迴東泝流人情逢歉歲野望怯深秋淮
甸兒行役村墟客滯留陶公方止酒何以答清愁

竹會寺

竹向何年會閒僧幾白頭龍從長房化人負謫仙遊高
閣平吞野孤亭俯枕流往來頻下馬松語一山秋

又

殿古幡幢黑門臨杉檜高飯僧頻洗鉢諷唄誤聞潮山
逼衣常潤溪清檝欲操牛羊爭遲晚緩策却尋橋

又

道人不嗜酒隨意坐僧房愛石頻敲杖看碑獨遠廊塵
勞三世械圓覺一爐香莫遣寒山笑金聲在孔堂

任公寺

任公曾此釣勝迹寄浮圖尚憶桃花米何慚竹使符溪

聲還似舊草色幾回枯清譽流今古唯應激懦夫

歲晚思歸

莫怪還家晚生涯比漏卮青蠅點圭玉衆女疾蛾眉淮
甸兒歸日山妻病起時荒年猶有酒不敢問醇醅

又

耽書深入夜怯酒淺為杯疾稍除無妄天應養不才驥
牛能共阜瓦釜漫鳴雷說與池梅影花看兩度開

送程仲本再入東廣長樂縣循州寄父節卿

龍岡六千里將子共南征縣小胥徒減官閒獄訟清居
人無結韞佩劍更趁耕盡說新來宰鄉亭謝送迎

又

略說炎州事從來氣候偏土風嫌質子畜鴛代耘田百
貨無商賈三家亦市廛教兒勤筆硯有口肯言錢

十五夜溪上觀社公燈後二夜觀汪王燈會

豐城寶氣化九土正歸唐武德風雲盡越封春草長迎
神三獻曲遺燬一爐香燭影隨流水簫聲度短牆

九月二十一夜燭下獨坐偶讀所為先公家傳
淒然感懷

荏苒更新化蕭騷愧白頭中宵千嶂雨孤館一燈秋養
氣言從寡思親淚忽流孫離苦店疾覓睡擁黃紬

蒼頭初得小犬

稚犬從何得蒼頭買近鄰畏寒初離母學吠稍驚人
謦盜期猶遠分餐喚易頻因知推艮象併感諫藜臣

筆禿戲作

齋閣無佳筆將何較豕魚生前髯主簿老去禿中書湘
管光華始金墉退黜餘苦心終不朽遺迹漬裙裾

十一月十九日先君子梅臞先生始生客齋小
奠

父蚤憐兒慧兒今念父慈音容頻夢見心緒許誰知四
世總功盛餘生風樹悲客窓陳奠酒老淚易交頤

又

四十年前夢如今一泣然情鍾假山記哀盡蓼莪篇老

雁推炎海嬌兒別楚天杳無音問至水澤又成堅

寄題江元直林亭

擬訪山中宅先敲竹下門日光浮柳眼春意擁花根猿
鳥驚生客詩書覺後昆多君五色筆借我掃苔痕

九月二日送夏叔通山長宿洛口寄沈仁甫

地勝仍東洛蕪平放牧洲溪流天目水人送郭仙舟急
雨連床夜微風古桂秋東陽詩共瘦漫刺未堪投

二十九日仲文教授生旦

炳竹山

淇澳迎年永椒盤獻頌新遠乘千嶂雪來預一堂春晚
歲朋儕少清交義味醇我筠公是竹貞操兩宜人

又

白髮隨年健青衫向晚披雪寒堅竹節春近粲梅枝藍
尾長生酒苔川錫類詩使來分鶴俸宴會喜追隨

訪鄭元章伯仲

薄宦淹分水挑包返舊林春風千嶂雨賓主十年心動
喜看連壁知音拂古琴鶴鳴透寥泐齊長滿牆陰

又

春光濃似酒野潤步偏輕犬逐非生客溪流祇舊聲
看塵榻字話極歲寒情明日又行色離觴莫厭傾

舟行五言律

支港飛泉白疎篷漏日紅尚餘陰嶺雪偏值打頭風
亂眼迎梅柳荒村過梓桐高居誰氏子行役笑怱怱

又

舟小能容客山多不計層荒村雙港水古廟上元燈
旅

瑣鄉音接年侵酒量增如何今夜月同照髮鬢鬢

又

草草酬新歲征衫勿厭勞灘迎疑雨勢舟順快鴻毛晚
覺漁燈動晴占霜月高棹歌嫌鄙俚默誦楚人騷

又

舟行惟數日去鳥亦忘歸路暗樵夫出天寒漁者稀隔
江晴樹遠向日落梅飛且了還家願征塵又染衣

又

過棹村墟異當春服色新但知逢節日是別家人簫鼓叢祠晚牛羊野水濱客中仍送客此處最傷神

又

苦憶白眉老迴撓一見之市聲不到處門靜立移時小
出尋柴步幽懷許鶴知題詩徧脩竹聊以識吾私

又

千古桐君宅仙蹤不可追山虛答人語邑近怪帆遲牽
路穿苔磴漁家隱竹籬日高猶未飯吟苦笑吾癡

又

又過桐廬縣明朝即是家江城衙鼓動野店酒帘斜山
遠深含霧舟行淺帶沙蠻宮冰漸泮春近迸芹芽

自新安江而下舟行亂石中篙工最苦

畧說舟師苦東西似轉蓬篙前猿挂樹帆底鳥呼風貫
索尋牽路沖波礙釣筒千勞償一飽終愧守家翁

又

詰曲疑無路中通一罅波灘長如受敵石狼似降魔篙

誤親相詈飯餘兒共歌置身鼇背上險盡鬚增皓

道經果願寺抵周覽塘回途留題

溪淺晴沙露秋高綠樹殷未瞻黃面老先過玉屏山引
望鄉關遠無心物態閒魯連觀小節却笑髭毛斑

又

黃栗連山樹青蔬並舍池垣頽穿繫豕冬暖發春枝柴
戶趁朝販漁家過午炊鴻泥聊寄迹草草不言詩

客窓奉懷孟威趙總管

歌成文公里言還君子營束書行李重飲水宦情輕愛
石連雲買移花作洞成諸郎駢玉峙快誦鼓琴聲

又

筮仕年雖早遊方職轉卑思家憑夢往攬鏡覺顏衰斷
酒朝增飯抄書手任胝迴梳嚴子瀨歲晏以為期

寄呂輔之經歷鄭子美鄭元章

飄泊東遊者于今髣髴盡瞻欲知窮學究莫是病維摩舊
物烏皮几新愁白石歌所欽煩念我書札問如何

題邵氏深秀菴

我來不見深秀菴中仙但能朗誦深秀菴中句江湖多
少作詩人透紙喧然操鼓吹想公來往蓬瀛深化為蔚
秀之瓊林噓陽吸陰入無際朝與鷗飛夜猿吟千金良
方出海藏聲名彷彿倉公上平生一寸濟物心歲晚佳
兒甘旨養諸孫頭角競蘄然廩有餘粟地流泉先生雖
去典刑在詞林繼和東臯篇

又

珊瑚掣海底翡翠千映蘭苔澹薄天機隱清明物象超瑯
琊分左服天目發中條遐想千年鶴歸來護藥苗

留別潘公明交代方良輔友兄

小市張燈夜幽齋待月時歸心泉赴壑客路鳥黏韜不
寐窺梅冷清談喜漏遲尚憐傾蓋晚後夜費相思

又

老不趨時好三年兀客窓歌成慚畫一韻勝喜無雙別
意浮寒樹歸程泝練江相看揮寶唾能使寸心降

元名作詩謀歸新安

客裏逢元夜臨觴氣倍增風迴仍急管巷僻亦疎燈
畦菜留孤注篇詩當百朋往來何所有歸作住家僧

舟中雜書七首末篇奉寄夏大之

龐公不入府入府又何如縱有屠龍技誰飛薦鸚書
病多翻惡酒髮短不禁梳賸喜生還日桑榆且定居

又

芳年初筮仕投老尚無羶曲誤周郎聽鞭輸祖述先錢

神招百諾傳癖負三遷畢竟歸來好相看一蹶然

又

浙江蓬裏客世載貌清腴孰計青雲路空摩白雪鬚
鬚封悲後進揚閨昧前途得失常相補臨風一嘯呼

又

蠶食臨毫紙風生唾有珠朋儕殘宿草時好盡吹竽白
日思甘寢衰年誤信書明當上丘墓麥飯酒盤盂

又

箇箇孫排竹山妻髮櫛銀百年能幾有屢夕夢成真蟬
白書新理鵝黃柳未勻老名更鎖住重養鵲兒馴

又

入郭猶清曉烟光鬱未開廟脩興衆役巷塞曳雄材叱
咤騎生馬淒迷溺死灰迅雷方到耳高卧子陵臺

又

蹭蹬青霄翮斯人坐警言曹海雲蒸筆硯朔雪滿弓刀德
化收儒効威風伏土豪思君不可見倚柂讀離騷

奉和王知事宛陵詩韻

一雙白鳥度輕烟萬玉搖光似渭川
馳驛歸來脩禊飲
風流不減永和年驛亭見樹濃還淡
山店沽醪濁更清
乳水翩翩橋下影分明人在鏡中行

又

宛水寒流白徽山曙色清鳴鳩相應和
遠樹半陰晴客
路春兼晚年光鬢未明高吟追謝朓
歸夢過宣平

王伯循僉事詩卷

臨軒親策士攬轡此詳刑西極來天驥南州見使星
繡衣持白簡寶匣出青萍惡類成菹醢空留草木醒

次韻望靈山作

迴杓傾北拱浴日接東浮天半長含雨松深不見秋
玄冥標鉅鎮白首負清遊馬上頻瞻望數聲黃栗留

筠軒集卷五

欽定四庫全書

筠軒集卷六

元唐元撰

七言律詩

送俞伯初遊錢塘

水國霜風吹弊裘，暮雲烟樹使人愁。
一尊自勸猶孤影，兩地為家更遠遊。
俗士每深鄉土戀，是行寧獨稻粱謀。
袖攜明月煩加護，湖海逢人莫暗投。

爛醉翻思秋月朗清狂迭和短歌行百年豈少新知樂
此日難忘欲別情薄飯未能支衆口固窮真足見平生
西遊倘見劉師魯十載相望闕寄聲

千里驅馳一諾同殘年敘別意忽忽賦詩定說俞清老
驚坐知逢陳孟公湖水清冷招秀句樓臺高下看春風
人生只合錢塘住為報山靈吾亦東

次韻弘齋曹先生春初書事

擢第經今四十年當筵誰復唱真元前朝尚有衣冠士

後學同宗禮義門綠野耕殘牛引犢青松種後鶴生孫
絳人甲子何勞記木養靈根水浚源

擢第經今四十年苦心馴熟不加鞭日遲簾幙人思睡
花到蕪菁春減權閒共門生釣溫水亦攜隣曲詠斜川
不須捫蝨談當世閒對爐熏意澹然

擢第經今四十年平生不辦俗閒緣霜莖蕭颯三千丈
錦瑟淒涼五十絃晚節畏名如畏疾閒居忘我併忘天
槎頭著釣殊多事却笑襄陽孟浩然

送杜希聖檢校江西省

孺子亭前秋草長，驂鸞此日快翱翔。
龍泉合避文章燄，雙井能供齒頰香。
偉甚竹林青眼士，居然薇省白頭郎。
臺端壽俊真知己，憲使盧公早晚牽聯上玉堂。

八月二十八日與同舍游紫陽道館時孫次臯
偶自休寧來預席為賦

細菊含英漸次黃，賞心樂事早重陽。
樽罍下引清溪綠，笑語平分老樹涼。
天近神仙騰絳節，地偏猿鶴護丹房。

白雲截斷塵凡路去馬來牛一任忙

千仞岡頭日破晴松杉委翠下簷楹不須半嶺聞清嘯
但覺當場有善鳴甕社珠寒明月並鍾山鷹出衆雛驚
夜長旅席為詩惱坐對秋花只自評

次韻趙鵬飛照磨行春

微雲護日午風輕獨木橋西小作程野蝶喜隨藜杖去
樹鶯貪看酒盃行山園此日尋花意鄉國深春上塚情
麥穗桑枝關政事歸來好語報專城

清明日病起不能出漸喜勿藥

尚憶兒時矜節物
插花臨水弄扁舟
題詩多愛白塔寺
把酒還尋芳草洲
零落舊交時鳥散
蹉跎急景大江流
年過四十愁兼病
始悟人生萬事浮

病來勢似百川東
病退俄收汗馬功
人笑聳肩同老鶴
天留小技學雕蟲
黃金謬作千年調
白髮誰登百歲翁
甚悟此生宜任運
花殘又付北窓風

送山甫薛教諭

宋公能識薛公賢千里相攜過練川詩律熟於霜後果
宦情清似樹頭蟬揮盃勸影身常客挾策從師骨盡仙
馬塢荷香留不住臨平山下藕如船

廣文盛則軒屢示近作深切起敬奉呈

句不驚人心不休味從諫果苦邊求家藏古貨真難賣
袖有明珠豈暗投天馬蹄翻西極道寒蟬聲切暮雲秋
鄧林渴死終無補肯乞醍醐一滴不

孟史君壽旦遊黃山同舍邀作

淳衡湖居士癸丑十月十六日

紫陽
權學

菊花開後到梅香
歲歲黃堂酌月光
心遠每思林壑美
政成不在簿書忙
玉簫吹徹洞雲白
竹杖行吟徑葉黃
想見巖扉題醉字
山猿起舞鶴翱翔

壽盛則軒

象翁台州人本郡稅務提
領先為考試官有詩文集

熱官宜異老槃阿
解屋如舟柰冷何
星斗夜垂文氣老
竹松春瘦古心多
天台雁蕩鍾奇絕
龜息熊經養至和
兩度花屏分壽席
梅邊老子剩婆娑

梅魂

幾樹吹香過斷橋為渠吟苦髣蕭蕭村荒更送淒涼笛
月冷誰歌大小招堂上目成勞遠夢水邊玉立見高標
遺珠解佩精靈在千古春風恨未消

再賦

微風淡月滿林臯縞袂盈盈韻更超飛燕耐寒元不粟
鮫人傍水即成綃似無還有幽香闕乍見仍猜瘦影搖
誰為空山吊岑寂清泉薦罷讀離騷

次韻徐府推遊福田院觀羅漢畫像

詩豪今代五言城行扣松闕誤晦冥荒寺曲通樵徑白
遠山斜界麥畦青能文舊說紅蓮幕占象新沈貫索星
遊衍何妨先問俗和鸞振響路人聽

暫出提河過五城千年畫手未沈冥神龍玩戲雲常黑
天女飛來髮最青露牯眼中瞻佛日野狐禪裏認妖星
拈槌豎拂難尋妙玉振金聲著細聽

次韻黃志齋劉平洲蔡志同遊問政山

秋晚霜遲木葉鮮屏為千嶂繡為川雲間笙鶴來何日
洞裏烟霞別有天盛席每孤青鳥使高談應到赤烏年
絕憐三笑成圖畫句裏工夫剩學仙

次韻蔡志同春雨阻遊

書窗光陰冉冉過案頭鐵硯尚堪磨盡看千樹杏桃去
柰此五更風雨何著燕畫梁泥爛熟拈笙玉笋凍頻呵
先生不出情無用危坐長吟憶老坡

送歐陽仙尉之官臨湘

郡幕初逢玉樹郎還看鳴鳳向朝陽諸儒待上三千牘
四海同尊六一堂鵷鵠灘頭新御史岳陽樓上舊文章
君山莽蒼浮天際會醉佳人錦瑟傍

次韻胡敬存兼簡定宇陳先生

柴桑歸去是邪非懷寶終嫌始願違天上誰分水蒼佩
林間自愛芰荷衣耆年並駕雙瞳碧吾道扶顛一髮微
想得相過共談笑儘留風月坐重闌

九日與汪謙父晚登烏聊山

節意蕭然易得愁烏聊晚望且悠悠百年駒過人將老
九日山寒菊未秋雲入楚天兄弟隔波橫黯練古今浮
舊遊何在論心少沽酒同君向市樓

次韻徐府推遊問政

三耳丹房占碧峰南州高士躡仙蹤懸林小狖頻窺果
絕壁行人半隱松石塚苔深愁立馬瑤壇雲黑呪驅龍
蔡家兄弟希來使露裊傳書易剝封

次韻黃志齋早春

殘梅飛盡又經旬池柳搖風自在春料理窮愁中酒聖
品題紅紫問花神金錢素鄙清流士鐵硯翻磨白髮人
賸欲挽衣隨李廣南山射虎不辭頻

送友桂文德二朱丈歸婺源

星渚源頭宰木春浮雲蒼狗暗傷神思亭記在數百字
族譜引中初一身趙壁可完充子志魯疆能復賴侯仁
考亭地下應含笑今日雲來有若人

送劉伯善遷憲史

籍甚梅山藹世芳，僦居猶喜接鄰牆。
單傳天祿詩書譜，來仕文公父母鄉。
恩滿花屏歌豈弟，名高柏府快翱翔。
要看入幕新風采，行李無多面帶霜。

鷓鴣灘頭兆豈虛，梅花驛路雨晴初。
綠林久喜無藏盜，烏府今聞有薦書。
鐵面冰霜籌畫畔，錦腸風月嘯歌餘。
紫陽山下雲泉響，後夜相思蝶夢遽。

送汪謙父教諭長洲

孝節堂中一掬泉，斯文端的有家傳。
擅寒百里專師席，

語妙千人聽法筵今日彈琴調雅韻明年射策快先鞭
白頭亦擬東游計目送晴江書畫船

高郵巨擘客宣城我友潛夫舊結盟近日謝詩傳好手
當年魯泮淑諸生似聞瓜戍希來使頗為尊香惱宦情
如此吳中二三老刺漫何得倦逢迎

屬龔子敬

千里遊吳今又歸山中春近蕨芽肥侯芭最擅諸生業
萊子空懸五色衣搗玉冰溪聊待價追風天馬可容韉
曾邀弄撒荷雲浦不待清秋鴈影飛

方千里早從
先子授業

寄陳定宇胡敬存二先生

五色鸞鳳肯自驚暮年木石了無情
海濱猶喜有大老魯國可能無兩生
承露盤中餐玉屑煮茶爐畔聽瓶笙
眼前駿骨人希識他日圖形費遠征

十六夜夢中得句云夢裏麾貧氣亦雄
足成五十六字

應俗無方拙更慵僅從編簡策新功
偶然得句喜欲舞夢裏麾貧氣亦雄
稚子身長衣漸短寒梅花小意無窮

莊生齊物應難喻且向陶情酒一中

送胡貴卿北還

公子辭親勇著鞭簡書那許歲時遷春風桃李江南路
大府衣冠冀北天刀筆定應培盛業詩書猶喜惜芳年
馬周老去慚門客倘值金臺一薦賢

甚笑書林日課勤荒齋邂逅挹清芬謝家子弟溫如玉
帝里人材望若雲勿謂親庭嗟遠役應從相府策奇勲
紆朱曳紫年華富天馬騰驤定出羣

夜賦有懷洪潛夫眷兄

種竹門闌冷若冰於人無愛亦無憎
百千事過隨春夢
五十年來有髮僧
稚犬勿驅從
傍火飛蛾欲救急吹燈
品量文字成孤笑
忽憶平生耐久朋

二月二十六日清明苦雨不出

薄相天公未肯晴空令佳節
負遊情鳴鳩占樹如相答
乳燕分泥了不爭
貧擬賣文那自給
老思治圃尚慵耕
竹萌供筍聊摩腹
喜聽孫雛學語聲

客身頑懶雲粘岫世味倉皇鳥遡風早達有人登鬼錄
深居笑我坐詩窮佳辰得霽如逢赦老境無心酷似童
幸有一樽齊物論壯懷傾倒雨聲中

送方千里教諭貴溪

龍虎天高役萬神鷺湖宗旨認畦畛青山有意迎來客
白鹿遺規淑後人伊軋笋輿穿石徑飛揚柳絮亂江津
窮經得用何嫌晚老馬追風尚絕塵

四月二日欲遊翠眉亭以雨阻不果呈邑中士

友

翠眉不是畫眉嫵
石鏡正噴明鏡臺
夢想清遊過半世
天將奇事付深盃
風風雨雨殘春色
擾擾膠膠走路埃
急掃濃雲推朗照
肯教游子首空回

乳水源分河漢津
只今人物數荀陳
千家古邑雲中樹
一點飛花道上春
稍厭光陰留過客
直愁風雨濕吟身
鳴蛙鼓吹官牆近
聊學新豐獨酌人

再用韻宿邑校作

甕牖真成臨水樹春風徧作雨花臺雄豪空負詩千首
磊砢誰澆酒百盃高樹鸛鳴知積雨荒齋鼠迹驗深埃
苔封堦戶人來少搔首長廊去又回

人間何處問通津過眼風花迹易陳多恨尚嫌鳩喚雨
相親元是草生春未償文字三千牘肯負乾坤七尺身
且喜客牕紅燭燄粼粼街鼓未眠人

五用韻謝喻真卿惠詩

團團朝日蒂盤開不減當年致饋臺器重黃流金作裏

文成繁露玉為杯
蠅頭細字矜明目
塵尾清風掃俗埃
追及漢庭詞翰手
賡歌樂府上之回

讀君七字喜津津
盡洗從前句法陳
挺甚儒宗新甫柏
悠哉道味舞雩春
誰云白髮今垂領
政待青雲足致身
梁顥年華今尚少
當場休讓一鳴人

贈戴訓導

師初先生幼子

剡源已化遼天鶴
驥子今非同隊魚
對客每談先友記
挑燈盡讀故家書
舞雩春服朋來後
校藝秋場百戰餘

千載風流吾欲繼過門莫待雪盈裾

松友石山長承寄示近作報以七言四章併呈

明經山主及南軒胡公

識君猶晚別君難幾向秦淮共笑懼荆擣香粳供學子
每騎瘦馬謁臺官香芸曾閱藏書庋細柳應尋拜將壇
信有人家金石友書來五嶺暮雲端

鍾美亭詩擲筆成千言翻水座人驚黃埃白髮方歸客
明月清風幾動情縞帶尚能留破篋青山渾不記初程

因君寄贈思前夢四屋雞號雜雨聲

雲翁揮麈冠蓋集安國養士庖厨香福田祇為孔孟種
易蘊盡發程朱光駿奔孝孫酒灌地君蒿盛氣神歸鄉
白駒空谷仰前哲有客來自春風堂

南華老人別三載萬柳營外春風遲清秋強勝謝祝噎
道貌常春無凍梨詩牋毛氏紙為貴坐有孟公人所師
煩過精廬憐遠客滿山黃葉菊離披

十一月十九日先君子始生兼懷亡弟清之

寒猿聲急雨啾啾
簾櫳尖風射弊裘
畏老嗟卑心已死
思親憶弟淚交流
紅塵人海歸何晚
皓首山林意未休
薦罷清樽燈燼冷
翩翩飛夢遶松楸

湖海飄零迹易陳
去年今日倍傷神
甥孫扶拜衣垂地
木主開函手拂塵
稍願顯揚淹祿仕
空餘衰謝哭蒼旻
逢梅便覺心如割
忍看山橋破蘂新

次韻稱隱州判

方慙絳帳共春秋
世外空聞大九州
對酒方能麾老氣

挑燈殊不盡羈愁相尋剡曲今安道早謁蘇門舊少游
天地全人似公幾六旬未老宦情休

沙卜珠萬戶南征凱旋

萬國車書極盛時誰令小醜犯王師
兔狐何啻營三窟鼎鑊難逃命一絲
勇共鐵鎗稱健將功成銅柱震南夷
彤庭異數榮雙節上宰分庸鏤列彝

次韻志齋總管酬克用總管

壯歲論交向士林
巷南巷北愛長吟
照殘夜月雙蓬鬢

吹老春風一寸心並砌蘭芽迎日暖臨階竹影映波深
代間罕見詩書帥正用靈源著意斟

正月初五夜大雪詰旦起視筠軒玉立百箇真
偉觀也午後東隣小酌

七十衰翁舊布袍憑軒坐嘯氣猶豪陽回大地三層上
雪積虛簷一尺高半夜栖鷄先喔喔荒郊去雁正砉砉
顏公米帖從誰貸且共隣家醉濁醪

次韻黃彭叟與江子厚飲于高亭

門外誰呼祈孔賓此生信不羨平津憑高幾見蒼山老
撫物何嗟白髮新草向春融青滿眼梅因風度笑隨人
保安堂上踉蹌走天假同躋七十春

四月二十三夜夢中賦梅得前聯因足成八句
塵纓不用濯滄浪每到花開倚樹旁有宇宙來惟此白
從風月裏見清香裂皮禿幹藏生意淺澗寒塘拭淡粧
一夜夢身輕似蝶吟殘牕隙漏朝陽

江賓暘以詩來報以七言

過我翩翩廬照隣持來五色筆花春少陵對月丹心苦
蘇武還家白髮新舊汨塵沙無遠韻方來天地有閒人
艷粧蘭澤高難媿鄰女空悲欲效顰

先君子諱日將至客思凄然

投老思親意轉悲報親無路托文辭青編加護周官學
墨本方鵠有道碑籩豆馨香魚菽祭總功先後雁行隨
歲闌未遂還家願一酌清泉手自持

近寓花屏得觀仲明真人樓觀飛空之盛

仙子藏身在玉壺飛薨百柱出雲孤行空風雨神明會
真本蓬萊島嶼圖松菌竹萌留客飯芝田木塢貫官租
真成孔老通家好不待君王賜鑑湖

白雲當戶草沿階靜極方知太古懷澗水每從嵌竇出
山禽時聽話言佳樓臺地勝供春望笋蕨厨香趁早齋
自許殘齡聊屏迹籜冠藜杖曳棕鞋

三耳仙人駕白龍九霄寥汰去無蹤丹房幾見滋新蘚
老鶴歸來認故松蜃氣樓臺滄海轉天香草木碧雲封

遊人醉舞下山去斜照依依送暮鐘

比來多病承文玉以二律問安枕上失記嚴韻
用昔賢和意例以謝

少失師承晚自強青燈老屋漏寒光文成敢謂如山積
筆秃何堪作塚藏正色無媒空老大羈懷所至易淒涼
篇章湔被胡來我重熱平生知見香

雅好山棲棲在山雨聲爭送籟聲殘衰年百病如期至
非意三彭忽我干已恁爬搔勞指爪何愁賸載鏤心肝

老奴勃窣頻來往一路松岡幾屈盤

平生法喜不同衾頗學熊經更舞禽正自寡言為暖藥
常思穩坐罷長吟洗頭玉女盆難遇搔癢麻姑爪得尋
我昔瓠肥星嘒嘒小兒造物苦來侵

發塚何曾到紙衾生擒勁骨似霜禽閒為洛下諸生詠
半是天涯游子吟竹洞有門身習隱桃源無路世難尋
病餘閣束春秋傳老硯從渠碧蘚侵

復叔剗地仙一再入藤原為余卜壽藏也異時

得大書新安詩人唐長孺之墓君與力焉賦此
以謝

冷宦歸來一事無
簞瓢粗足免嗟吁
縱同彭祖終須死
預計菟裘理豈誣
步屨履霜寒已勁
支筇上嶺氣難蘇
多君盡發山川秘
為我親傳壽域圖

神仙蛻骨逃螻蟻
憂樂無心問髑髏
舉世賢愚皆夢幻
孤生牢落負箕裘
青燈未了三千牘
白髮驚踰七十秋
有子應門孫擁膝
虛舟隨浪恣沈浮

把筆題詩閱歲年安貧那用歎逆遭平生未辦求田計
老去應無埋骨錢酒味要求杯杓外泉聲只在枕屏邊
胸無芥蒂吞雲夢此意逢人莫浪傳

方外有懷徐方舟用韻兼寄

種樹墳前鳥欲巢年光暗逐海門潮
哀除近報都無恙服禪應憐不自聊
酒興可容陶令止詩魂須待楚人招
手抄祭禮方成誦月冷烏啼共一宵

小鏡贈送國寶先生承再索儒字韻

懶贈佳人贈世儒從他粉面笑吾迂揩磨巧匠饒餘力
鼓鑄神明想暗扶揚子江心明水貝秦王宮裏望舒圖
知公掃盡巫山夢只許飛鸞弄影孤

元窮鄉晚進學不如人近為同里羅夫人作行
述上千名筆於大人君子之門使人回誤蒙伯
生學士盛加稱許俾賈鐸之微音獲廁黃鍾大
呂之側餘生欣幸敬葺俚語上答知遇倘沐不
賜鄙夷得褒貶二字垂教尤為荷幸仰幾鑒亮

軒冕辭榮遠世紛，真成一飯不忘君。
綠陰靜對西清客，玉殿頻揮大拜文。
威鳳九苞塵外物，蓬萊五色望中雲。
歸休洛社談風月，猶為羊欣寫練裙。

一代文章屬大賢，賞音何望到林泉。
尊翁作傳非吾事，投老虛名只浪傳。
疏氏餘金猶餉客，蘇門下士敢齊肩。
仲宣雅有登樓賦，擬泛西江十丈船。

玉座從容侍帝躬，格心事業樂融融。
多聞上下三千歲，大冊翱翔六一翁。
甚愧雕蟲攻小技，遙瞻鴻鵠駕高風。

倘因授簡垂褒貶不恨窮鄉兩鬢蓬

寄夏大之教授并述識其先公放翁之意

君家父子文章伯振鐸西江易已東
指畫馬前憐賈島安舒床上識龐公
聞風早覺興廉懦流俗何能論介通
衣帶水間難會面暮雲回首送歸鴻

題鄭子美師山精舍

師崗有待闕脩容恥構人間媚佛宮
十里溪光浮席上千年道脈寓山中
巖呀徑遶栽松竹飯白廚香剪韭蔥

邑子多賢資木石遙看講塵動清風

中秋夕陰翳更餘皓彩爛然鼓絃侍飲呈程國

寶

一枝隨分寄林邱夢冷當年上庾樓老矣嫦娥卧仙闕
淒其杜子憶鄜州遲遲皓彩生庭樹續續清歡較酒籌
堅坐何妨親醉貌頻分茗椀亦風流

八月八社日仲實自崇安歸省二親次日赴杭
試九月初六日歸初九同到槐里請賦劉梅隱

武夷山水墨圖

武夷山上虎頭畫九曲溪邊牛尾歌仙掌連時雲浩渺
丹梯躡處石陂陀數聲鐵笛樵人聽百丈仙橋羽客過
小隱堂詩守家法清晨扣齒事玄科

恨不相逢將白鬚人間果見列仙儒詩兼摩詰有聲畫
道在希夷太極圖梅底讀書成大隱洞前滌筆施靈符
幔亭世遠誰為主縹緲先生宅一區

神禹基分大九州武夷曲曲氣涵秋何山不是金龜戴

有水咸通銀漢流素練遽看朝霧濕苦心潛與化工謀
願求一本懸吾室夢到沙頭上小舟

再題武夷山水墨圖

路入微茫九曲溪仙家吐綬養朝鷄雲移陰壑招難至
樹戰秋風望轉迷水墨圖中闕氣象琅玕石上認鐫題
桃源自是衣冠古不識邊隅振鼓聲

碧削千崖萬水通輕舟泛泛幾漁翁懸知天帝有息壤
故遣神人此御風木圓芝田開谷口金鷄玉犬隱雲中

道人一笑捐囊粟畫手從他奪化工

武夷真君上天去梅隱山翁今地仙
呼來畫史自盤礴盡掃溪山入太玄
平林遠樹雲作机飛泉淺瀨琴彈絃
扁舟著我亦不惡蓬瀛萬里求無緣

傳墅遙遙畫始分至今毫素吐餘芬
光浮佛國難消雪遠接巫山欲斷雲
別浦漁歸舟不繫平沙秋晚雁成羣
從知吾父經行熟對客吟詩酒半曛

江和叔近以詩十首見寄屬和者再三乃賦七

言一章蕪簡賓暘二老

城東古縣白雲層邂逅諸郎問寢興
洛下書生前日事襄陽耆舊幾人登
竹松開徑資三益父子觀書共一燈
生幸同年各強健會心誰識在家僧

士則廣文自試院監膳錄回奉寄七言

三朝儒碩虞太史再世交遊胡伯泉
書畫船行今楚水波瀾亭在舊徽川
贈言已見膠投漆語別俄驚筭離絃
堪笑疎慵叨裁品詩成未得雁奴傳

羅夫人貌章

五世尚書飫舊聞公家郢鄂總能文
不增米價黃承事
淨洗鉛華鮑少君女嫁男婚循禮典
藥爐經卷了晨曛
雙魂一笑蓬萊頂應話高門再造勳

次韻允中

雨後遙山翠欲流東風尚覺冷颼颼
生來聚鐵能無錯
客裏憑欄易得愁詭遇久知慚嬖乘
滑稽殊亦陋旃優
吉祥止止安吾分莫向人前借箸籌

五月十一日余病左腰胯間凡二十日纔復舊
白紵裁衫短帽涼頻將疎髻弄池光鳴禽不畏朝風雨
老樹曾經古雪霜晚歲為文才易盡清香縈几意何長
列黃占象真無妄病起今晨喜據床

星源汪氏快閣兼寄曉窓吾表姪

曉窓父初軒公先人甥也

涪翁快閣天下勝又見龍溪幾世孫笑指闌干人老大
共銜盃酒月黃昏山中草木多靈異溪上雲烟互吐吞
祖德不磨金石耐代間薨棟幾家存

節推之後曉翁在快閣秋來得醉吟老去誰憐俱病足
書來猶喜共論心鏡中霜雪千莖白夢裏烟雲五嶺深
四世姻盟俱有子藏書終不愧贏金

過昌平

不恨功名晚未收斜陽古道亂蟬秋細泉出澗文成感
遠岫當關翠欲流雁塔題名新進士牛羊徧野古并州
青銅四百堪呼酒一洗征衫萬斛愁

洪贊道中

提封渺渺舊秦周
鳥度關河欲盡頭
六月火雲天不雨
一軒風露客思愁
心源浩蕩翻文海
眼底浮誇笑蜃樓
晁董登朝催對策
新豐酒好莫淹留

察罕諾爾

白海

何年疏鑿近王城
中有龍嘘白浪生
童孺慣曾觀鹵簿
鑾和從此謁承明
汪洋靜照千官影
砰湃遙涵萬歲聲
尚想先皇開國日
諸賢附翼定章程

李陵臺懷古

煌煌青史後人看矮屋挑燈客夜殘取女已膺王爵貴
歸朝寧望漢恩寬直憐國士家聲落誰念征人血淚寒
勇奮功名嗟不遂從容就死古稱難

二月十四日承郡幕丁公繼道迂訪不肖留問
政山中報謝七言

湖海衰殘一秃翁邇來持硯向琳宮雖無却疾三年艾
猶有應門五尺童跨鶴仙人留客醉雨花天女笑床空
堦苔喜印先生履溪館歸來夕照紅

送危檢討學士兼寄程光道御史

清禁衣冠侍玉宸
丁寧天語耳邊真
三朝國史編年法
萬里風埃遊子身
宇宙不磨先節槩
死生難忘是君臣
退之不作誰堪繼
回首千年迹未陳

送耿純仁攝教明經書院

精舍高居考渚湄
山田秋熟黍離離
論材酷似牢之舅
攝教新迎泮水師
翠壁雲橫微雨後
青天雁叫早寒時
掃除傳注明經術
香火緣深百世祠

先人舊友兩山翁
安國名郎建校官
齋鼓鳴時厨有飯
談鋒交處塵生風
村墟地盡寒溪碧
錦繡林開夕照紅
空谷馬嘶驚野老
衣冠來自大江東

次韻克用朱總管四首時官賜金服

乾坤俛仰不貲身
腹要藏書筆有神
古樹為門初亞雪
寒螿翻甕未迴春
廢歌來自千夫長
命服重頒一介臣
飭賣膠牙盤簇菜
老夫著此會親隣

四海誰非大患身
癡兒抵死媚錢神
殘陽挂樹何嫌晚

細草沿堦自得春對酒強為霜葉貌著書免謂布衣臣
浮舟湔拂分泉井早歲虛翁接近鄰

歲晏有懷洪存心張文玉第五兒桂芳客閩南
家問言旋喜而有作再用前韻

故人有子專征稅遠使將詩連鬼神萱草庭闈滋白髮
天涯霜雪迫青春書燈不負箕裘業鞭算難嘲聚斂臣
家釀將筭催祀歲殺牛何必問東隣

老夫有子閩南客遠道身安勞百神未辦輿臺供甌噐

應隨袍笏賀王春
朝聞鵲報斑衣喜
夜宿猿驚草莽臣
不比羌村醪味薄
菜絲雞臠餉姻鄰

溪聲

溪聲萬古流不去
付與幽人自在吟
細可入絃翻雅調
猛如過雨撼空林
魚遊近渚眠難熟
猿叫空山響易沈
七里灘前更澎湃
幾人能洗利名心

擬吳體

黃牛三峽厭朝暮
灤溪歸愛清連漪
非宮非商調自古

兼風兼雨常如斯浣紗小女足屢滑角力篙師聲更悲
武夷山前棹歌發頭白老父思吾兒

神仙變幻事已古桃杏妖嬈春正遲樓高自可摘星斗
句好何用求毛皮暖融迸地笋滿尺坐久煮茶藤一枝
參同契好不易讀鄰所談笑真吾師

聽琴

高歌一曲拂梁塵盡愛淫哇狎坐人洗耳尚憐敲羯鼓
知音誰解識陽春九霄吟鳳淒清夜萬壑飛泉浩蕩晨

自笑陶公大疎懶朱絃不具樂天真

星源黃克讓乞詩因寄子厚縣宰

南山千仞子真隱明月一章雙井黃至今草木助姿態
沉復金薤聞琳琅風流方朔喜玩世官譜越人傳禁方
州縣勞賢頭未白會當噓送升巖廊

三耳仙人生羽翼洞中丹竈猶依然蒼頭放鶴碧霄上
好客扣戶茅堂前有來快語近瓜葛誤聽此老能詩篇
朱門叔父為別久論心曾到赤烏年

玉堂夜直

門懸鈴索靜無譁
分草詞頭日易斜
夜月光生青玉案
春風吹老紫薇花
吏共鴈眼南來硯
宣賜龍團上焙茶
遙想宵衣勤聖治
丁丁漏下鼓頻挝



筠軒集卷六